

आकाशवाणी

खबरां अभिलाषा शर्मा कोला

1. अंतरराष्ट्रीय श्रम संगठन आई.एल.ओ नै आखेआ ऐ जे भारत च समाजी सुरक्षा कवरेज च खरा मता सुधार होआ ऐ। 2021 दे 24 प्रतिशत कोला बधियै 2024 च समाजी सुरक्षा दी दर 48 प्रतिशत कोला उप्पर पुज्जी गई ऐ।
2. भारत नै अपनी पैहली एम.आर.आई मशीन तैयार करी लैती ऐ, जिसी अक्टूबर महीने दिल्ली दे एम्स अस्पतालै च लाया जाग।
3. उत्तराखंड दे बाद समान नागरिक संहिता, यू.सी.सी लागू करने आहला गुजरात मुल्खै दा दुआ राज्य बनी जाग।
4. भारत ते चीन बशकार बन्ने आहले मामले पर सलाह सूत्र ते तालमेल आहली बैठक च कई विषयें पर सोच-विचार होआ, मान सरोवर जातरा परतियै शुरू करने पर बी गल्लबात।
5. अमरीकी राष्ट्रपति डोनाल्ड ट्रम होरें देसै दी चुनां प्रक्रिया च व्यापक बदलाव लेई इस कार्रकारी हुकमै पर दस्तखत कीते न।
6. एशियाई कुश्ती चैंपियनशिप च भारत दे सुनील कुमार नै 87 किलोग्राम भार वर्ग च कैंह दा तगमा हासल कीता ऐ।

<><><><><><>

ILO-Social Security

भारत च समाजी सुरक्षा कवरेज च खरा मता बाद्दा दज़ कीता गोआ ऐ। अंतरराष्ट्रीय श्रम संगठन आई.एल.ओ मूजब भारत दा समाजी सुरक्षा कवरेज 2021 दे 24 इशारिया 4 प्रतिशत दे मकाबले दूना होइयै 48 इशारियरा 8 होई गेदा ऐ। आई.एल.ओ दी विश्व समाजी सुरक्षा रिपोर्ट 2024-26 दे हवाले कन्नै केंद्री श्रम ते रोजगार मंत्री मनसुख मांडविया होरें आखेआ ऐ जे भारत च कम्म करने आहले श्रमिकें दी समाजी सुरक्षा च बड़ा मता विस्तार होआ ऐ। उनें भारत दे नौजवानें गी हुनरमंद बनाने ते उनेंगी सशक्त बनाने गी

लेइयै सरकार दी बचनबद्धता पर जोर दिता। एहदे नै नौजवानें दी छमता, हुनर ते प्रतिभा दा कुल संसारी सतह पर असर जमीनी बनी सकोग।

<><><><><><>

MRI-Machine

भारत नै अपनी पैहली स्वदेशी एम.आर.आई मशीन विकसित करी लैती ऐ जिसी ट्रायल लेई अक्टूबर म्हीने तगर एम्स नर्मी दिल्ली च लाया जाग। इस पैहलकदमी दा मकसद इलाज मुआलजे दी कीमतेँ गी घट्ट करने दे कन्नोकन्नी बाहरले मुखेँ थमां मेडिकल सरबंधी चीजेँ-बस्तेँ पर निर्भरता घट्ट करना ऐ कीजे इस्सलै 80 कोला 85 फीसद उपकरण बाहरले मुखेँ थमां औँदे न। इस्सेँ सिलसिले च भारत आसेआ तैयार कीती गेदी एमआरआई मशीन भारत गी मेडिकल टेकनालजी आहले खेतर च आत्मनिर्भर बनाने च मदाद देगं पत्रकारेँ कन्नेँ गल्ल करदे होई एम्स नर्मी दिल्ली दे डायरेक्टर एम. श्रीनिवास होरेँ आखेआ जे इस पैहलकदमी राहेँ बक्ख-बक्ख कंपनियेँ ते इदारेँ गी लोइचदे जरूरी बदलाव करने च मदाद करोग ते एह यकीनी बनाग जे दुनिया भरै थमां मुखेँ च सब्भनेँ शा बेहतररीन उपकरण होन।

<><><><><><>

Gujrat UCC

उत्तराखंड दे बाद गुजरात समान नागरिक संहिता लागू करने आहला देसै दा दुआ राज्य बनी जाग। राज्य दे विधि मंत्री ऋषिकेश पटेल होरेँ राज्य विधानसभा च आखेआ जे यू.सी.सी राज्य दे सब्भनेँ लोकेँ लेई समान न्याय सुनिश्चित करने ते एक भारत श्रेष्ठ ीारत दे सुखने गी पूरा करने दी दिशा च इक महत्वपूर्ण गैह ऐ। पटेल होरेँ आखेआ जे न्याय आहली प्रक्रिया गी गति देने लेई राज्य सरकार नै राजकोट, सूरत ते बडोदरा जिला मुख्यालयें च एहदे लेई सरिस्ता करने दा प्रावधान कीता ऐ। स्हाढे संवाददता नै दस्सेआ जे विधि विभाग लेई बजट कल राज्य विधानसभा च पारित कीता गेआ।

<><><><><><>

LS Finance Bill

लोकसभा नै माली बिल 2025 गी पास करी दिता ऐ जेदा मकसद माली बरे 2025-26 लेई केंद्र सरकार दे माली प्रस्तावेँ गी अमल च आहना ऐ। माली विधेयक पर चर्चा दा परता दिंदे होई कल केंद्री खजाना मंत्री निर्मला सीतारमण होरेँ टैक्स राहत जेड़ी पैहले कदेँ बी नेई ही, उस पर लोह पाई। एहदे च नमी टैक्स नीति

तैहत 12 लक्ख रपें दी आमदन तगर जीरो ओमदन टैक्स शामिल ऐ। उनें इब्बी घोषणा कीती जे नमें आमदन टैक्स विधेयक पर अगले मानसून सत्र च चर्चा होने दी मेद ऐ। सीतारमण होरें जोर दिता जे खजाना बिल दा मकसद 2047 तगर विकसित भारत दे दृष्टिकोण दा समर्थन करना ऐ। इस बिल कन्ने विनिर्माण इकाइयें गी मदद ते निर्यात गी बढ़ावा थहोग ते टैक्स संरचना गी युक्तिसंगत बनाया जाग। उनें दस्सेआ जे माली विधेयक च औद्योगिक समेयान लेई 7 सीमा शुल्क दरें गी हटाने दा प्रस्ताव ऐ ते इलैक्ट्रिक गड्डिं दी बैटरी निर्माण गी बढ़ावा देने लेई 35 उत्पादें गी छूट प्रस्ताव शुल्क सूची च शामिल करने दा बी प्रस्ताव ऐ। बिल नै 5 बरें तगर स्टार्ट अप इनकापॉरेशन फायदें गी बदाने दा बी प्रस्ताव दिता ऐ जेदे च पैहली अप्रैल 2030 थमां पैहले कारोबारी इदारें गी राहत थहोना शामिल ऐ।

<><><><><><>

PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम “मन की बात” इस बारी 30 मार्च गी देश विदेश च रौहने आले श्रोताएं कन्ने बचार सांझे करगंन। हर म्हीने दे खीरले ऐतवार बडलै 11 बजे प्रसारत होने आले इस कार्यक्रम दी एह 120मीं किशत होग। कार्यक्रम च शामिल करने लेई लोक अपने बचार ते सुझाह 28 तरीक तगर टोल फ्री नंबर 1800-11-7800 पर भेजी सकदे न। एहदे इलावा लोक अपने बचार My Gov ते नरेन्द्र मोदी ऐप पर बी भेजी सकदे न। एह कार्यक्रम आकाशवाणी ते दूरदर्शन दे समूलचे नेटवर्क दे इलावा न्यूज ऑन एयर मोबाइल ऐप पर बी उपलब्ध रौहग। एहदे कन्ने कन्नी एहदा सिद्धा प्रसारण ए.आई.आर न्यूज, डीडी न्यूज, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी कीता जाग। आकाशवाणी जम्मू पर मन की बात दे तुरत मगरा एहदा डोगरी च अनुवाद प्रसारत कीता जाग। एहदा डोगरी अनुवाद तुस रातीं 8 बजे इक बारी परतियै सुनी सकदे ओ।

<><><><><><>

India China Meet

चीन दे बिर्जीग च कल भारत-चीन सीमा मामलें बारै सलाह सूत्र, परामर्श ते तालमेल आहली बैठक होई। विदेश मंत्रालय नै इक बयाने च आखेआ जे बैठक च भारत ते चीन बश्कार अस्सल कब्जा रेखा पर मौजूदा स्थिति दी व्यापक समीक्षा कीती गई। मंत्रालय नै आखेआ जे दौनें पक्खें इस सरबंधे च राजनयिक ते फौजी पांचे गी निग्गर ते प्रसंगिक करने लेई राजी होई गेन। दौनें मुख्यें लगातार सहयोग ते कैलाश मान सरोवर जातरा गी परतियै शुरू करने पर बी गल्लबात कीती। इस दौरान दौनें पक्खें इस बरे दे अखीरें च होने आहली विशेष

प्रतिनिधिमंडल सतह दी बैठक दी तैयारियें दी बी समीक्षा कीती। भारतीय प्रतिनिधिमंडल नै चीन दे सहायक विदेश मंत्री हांग ली कन्ने बी मलाटी कीती।

<><><><><><>

Trump American Election

अमरीका दे राष्ट्रपति डोनाल्ड ट्रम्प होरें देसै दी चुना प्रक्रिया च व्यापक बदलाव लेई इक कार्जकारी हुक्मै पर दस्तखत कीते न। इनें तब्दीलिएं तैहत मतदाता पंजीकरण लेई नागरिकता आहले दस्तावेजी सबूतें दी लोड़ होग। एहदे च चुनां आहले ध्याड़े तोड़ी सब्बै मतपत्र हासल होना बी लाजमी होग। इस हुक्मै मूजब अमरीका बुनियादी ते लोड़चदी चुना सुरक्षा लागू करने च कामयाब रेहा ऐ। एहदे च प्रांतें गी आग्रह कीता गेदा ऐ जे ओह वोट लिस्टें गी सांझा करन ते चुनां सरबंधत अपराधें पर मुकरद्दमा चलाने लेई संघीय एजेंसिएं कन्ने सहयोग करन। एहदे च एह बी चेतावनी दितती गेई ऐ जे जिनें प्रांतें च चुनां अधिकारी कनून दी पालमा करने च कामयाब नेई हुंदे न, उनें प्रांतें गी संघीय नीति च कटौती झल्लनी पेई सकदी ऐ।

<><><><><><>

Niti-Aayog

साबका कैबिनेट सचिव राजीव गुआवा हारेंगी नीति आयोग दे स्थाई सदस्य दे तौरा पर नियुक्त कीता गेआ ऐ। झारखंड कैडर दे 1982 बैच दे आईएएस अफसर गुआबा होरें 2019 थमां लेइयै 2024 5एं बरें तगर मुल्खै दे बड़डे नौकरशाह दे तौरा पर कम्म कीते दा ऐ। उनें प्रमुख-प्रमुख नीतिगत फैसलें च अहम भूमिका अदा कीती ऐ जिंदे च भारत दी कोविड-19 पर प्रतिक्रिया ते होरने माली रणनीतियां बी शामिल हियां।

<><><><><><>

Wrestling Asia Championship

जॉर्डन दे अम्मान च एशियाई चैंपियनशिप दे 87 किलोग्राम ग्रीको रोमन कुश्ती मुकाबले च भारती पहलवान सुनील कुमार नै चीन दे जियाविसन हुआंग गी हराइयै केंह दा तगमा अपने नां कीता। एहदे शा पैहले सुनील नै क्वार्टर फाइनल च ताजिकिस्तान दे सुखरोब अब्दुलखाएव गी 10-1 कन्ने हराया हा। तोआई भारत दे सागर ठाकरान नै 77 किलाग्राम वर्ग दे क्वालीफाइंग मुकाबले च जित हासल कीती पर ओह क्वार्टर फाइनल च जॉर्डन दे अमरो सादेह कोला 10-0 कन्ने हारी गे।

<><><><><><>

IPL

आई.पी.एल टी-20 क्रिकेट च अज्ज राजस्थान रायल्स दा मकाबला कोलकाता नाईट राइडर्स कन्ने होग। गुवाहाटी च एह मैच संझा साइडे सत बजे शुरू होग। एहदे शा पैहले कल अहमदाबाद च खेडो गेदे मैच च पंजाब किंग्स नै गुजरात जायंट्स गी 11 रन्ज कन्ने हराई दिता। पंजाब किंग्स नै पैहले बल्लेबाजी करदे होई 243 रन्ज बनाए। 244 रन्ज दे लक्ष्य दा पिच्छा करदे होई गुजरात टाइटंस दी टीम 5 विकेट दे नुकसान पर छडे 232 रन्ज गै बनाई सकी। पंजाब किंग्स दे श्रेयस अय्यर नै 97 रन्ज दी शानदार पारी खेडो ते खीरे तगर आउट नै होए।

<><><><><><>

Read: Abhilasha Sharma

Stand by: Jagmohan Sharma

Composed by : Varinder Kumar

Editor : Mustkeem Baig